

## Mondragon Unibertsitateko Enpresagintza Fakultateak Berdintxiketan Berdintasunaren aldeko II. Lasterketa Mistoia antolatuko du Oñatin.

2012/05/02

Datorren ostiralean izango da, maiatzaren 11n, eta 16 urtez gorakoek parte hartu ahal izango dute, betiere, bikote mistoetan. Gainera, lasterkariak banaka ere parte hartzeko aukera izango dute, baina lehen hirurentzako sariak bikote mistoei soilik emango zaizkie.

Lasterketa **maiatzaren 11n, ostiralean, izango da, 19:30ean.**

Ibilbideak bost kilometro izango ditu, eta Enpresagintza Fakultatean hasi eta Foruen Enparantzan amaituko da.

Lasterketaren helburua ez da bikotekide batekin korrika egitea, berdintasunaren aldeko herri-lasterketa batean parte hartzea baizik. Lasterketa horren bitartez, emakumeek kirola egitea sustatu nahi da, bai eta, lehiatik harago, kirola egiteko beste modu batzuk daudela erakutsi ere.

Fakultateko Kirol Zerbitzuak, Berdintasun Taldeak eta LEINN graduaren barruan sortutako SNATU enpresak ere parte hartu dute lasterketa antolatzen. Gainera, Oñatiko Udalaren laguntza jaso dute.

Parte hartu nahi dutenek

<http://sites.google.com/site/bikotemistoelasterketa/> web-orrian eman dezakete izena, baina lasterketaren egunean bertan ere izena eman ahal izango da. Parte-hartzaile bakoitzak bost euro ordaindu beharko ditu.



**BERDINTXIKETAN**  
Oñatiko lasterketa mistoa

EGUNA: 2012ko maiatzak 11  
ORDUA: 19:30etan  
Enpresagintza Fakultatean  
IBILBIDEA: 5km  
IZEN EMATEA:  
[berdintxiketan.wordpress.com](http://berdintxiketan.wordpress.com)

Antolatzaileak:      
Laguntzailea:   
Babesleak: 

  
  
